

革命戰爭之經過及其失敗

高勞

一 起事之原因

此次革軍起事。其所揭槩以宣示於天下者。曰宋案也。借款也。三都督之黜換也。雖然。此三者其果足為革命之原因乎。亦不過革命之標幟而已。其原因複雜。頗難梳理。約言之畧有數端。自辛秋起義。不及半年。共和聿成。民國統一。以極短時間。成極大事業。不特中國所未有。抑亦先進之所無。夫成熟易者果實不良。代價廉者物品必劣。此自然之理也。吾國專制之毒。入人已深。一旦易名共和。而形成共和國家之內部分子。未嘗受相當之磨折。俾與國體同化。則其桎梏鑿枘。因不體合而生種種衝突。亦固其所。猶瘡瘍然。不清內蘊之毒。徒施表面手術以求癒合。其不醞釀而再潰者幾何。此一因也。然使政府果能補苴罅漏以善其後。開誠布公以遏其萌。雖不能使不體合者驟然體合。固未嘗不可因事裁制。默為轉移。化激烈之競爭。為和平之蟾蛭也。乃一年以來。政府之措施。其深藏於內幕者姑不論。就其發表者觀之。殊不能滿吾人之意。不特反對者有所藉口。即贊助者亦難免後言。而事變遂由茲而起。此二因也。然使革命黨人。始終。以正理鞭辟政府。使循塗軌。以和平糾正政府。務泯嫌疑。則情誼當不至如此揆

隔。政府固不敢逕行其是。且黨人亦得各盡所長。互相扶助。以奠共和基礎。豈不甚善。

中略

然使吾人民果有共和國民之知識。則無論政府若何腐敗。革黨若何激烈。未嘗不可監督之。調劑之。以消禍於未萌也。乃人民之大多數。既醉生夢死於此飄搖家室之中。而為政客為官僚者。則各因其感情私利之所在。畸輕畸重。以相傾軋。無有為根本之調和者。其代表民意之國會。亦且知有黨而不知有國。甚或不知有黨。而惟一己權利之是狗焉。用是不特不能防杜禍患。且轉有促成禍患之趨勢。此四因也。凡此四因。一由於國體之不能驟合。其餘三者。則政府革黨人民。當分任其咎焉。然此外之助因。尚復不少。

中略

亥之役。除漢陽南京外。餘均和平解決。並無激烈之戰爭。民

國成立。

或稍有關係者。無不徼天功而獲厚報。

中略

24453

實由於此。共和告成。此風非獨不減。且加甚焉。逐利營私。既視爲固然而無所於諱。而全國士夫。競趨於狗苟蠅營之穢德。不知清議廉恥爲何物者。夫孰非惟物之說。有以拓其流而助其餒耶。夫立意如英吉利。共和如美利堅。亦可爲今日法治國之極則矣。然使英人而失其高尚之性質。美人而失其純潔之品格。其道德墮落。一如今日之中國。則兩國之政治雖隆。恐亦不能保數載之安謐也。

二 戰事之始末

革軍起事。以佔領湖口始。然佔領湖口。非革軍發難之本意也。其發難之目的。則在鄂而不在潯。長江者、南北之天塹也。此次戰爭。固不能視爲南北之交關。特在革黨方面。則未嘗無南北之見存。其欲佔領南方。以爲根據。固事實上所無可諱者。夫既欲佔領南方矣。則長江流域。在所必爭。願沿江各省。如湘如贛如皖。均在革黨勢力範圍之內。江蘇一隅。亦爲革黨聲威之所及。獨湖北屹然特立。嚮護中央。既梗湘贛之交通。復扼津漢之衝要。楊旁駢睡。其不便爲何如。故革黨不欲起事則已。苟欲起事。其必先佔武昌以除進行之障礙。固徵之事前後各方面發生之現象而可信者。不然。九江湖口。本在李烈鈞統轄之下。胡不起事於未免本官之日。而乃佔領於已卸都督之時耶。革黨之謀武昌。頗具毅力。三四月間改進團之變。與此次革命。是否同一系統。不甚分明。然六月中武漢兩地破獲之秘密機關。供詞中曾有贛省響應之說。其餘黨之未被逮捕者。又相率趨赴下游。則固與此舉確有關係。是湖口起事。乃承鄂省失敗之後而發生者。

中略

雖事實殊難明瞭。而蛛絲馬跡。

則頗有可陳述者。遠不具論。姑就近事言之。自改進團起事未成。政府即以南方多故爲辭。陸續遣兵駐懾皖鄂。此固不利於革黨者。以故政府遣兵愈多。革黨之謀變亦愈亟。願政府既以

24454 鄂亂藉口。則其遣兵。僅能駐紮上游而止。無緣擴及於下游也。適五月間徐企文攻擊製造局。政府遂因之駐兵上海。由是長江首尾。均為政府兵力之所扼。加以贛皖兩督。相繼免官。曩時在革黨勢力中者。已駭駭乎為政府所侵佔。革黨頓失活動之餘地。自不得不先發制人。武昌既無抵蹈之瑕隙。更不得不改移地點。此溇事所由發生也。七月二日。九江要塞司令陳廷訓。電致政府及黎兼督。謂探得革黨擬在溇舉事。請速派兵鎮懾。黎督當派李純督帶駐鄂北軍馳往。政府亦同時派海軍次長湯銘率兵艦南下。李純七日抵溇。駐沙河鎮。李烈鈞則於八日抵湖口。招集舊部。規畫進取。至十二日而戰事起矣。革黨宣言政府無故派兵擾贛。故不得不起而抗拒。然政府派兵。則為防禦革黨起見。蓋事機危迫。稍縱即逝。不得不繞着先鞭。以為制勝之地也。湖口發難。九江開戰。不半月而遂遭失敗。革黨之能力。似不免薄弱。其布置亦不免疏漏。然就起事後種種事實觀之。則其手腕之靈敏。進行之飄捷。亦有可驚異者。自李烈鈞之抵湖口也。即約會九十兩團。並調集輜工兩營。扼紮湖口要隘。勒令台官將礮台交出。歸其佔領。十二日宣布獨立。即遣林虎所統之混成旅。進攻沙河鎮之李軍。而向駐省城之陸軍第二第三第四旅及第一團與礮兵團第一營。亦均先後馳赴前敵助戰。旋即組織討袁軍。李烈鈞為總司令。政府所任護軍使歐陽武。亦以江西都督名義。宣布與中央脫離關係。夫李回贛僅四日耳。倉卒舉事。竟能佔領中央管轄之要塞。扼長江中樞之

天險。首揭獨立之旗。以為號召。而軍隊竟相率歸附。其冒險之精神。誠不容沒。然猶可曰贛為舊治。本在勢力之中也。若黃興之佔南京。則非李之於贛比矣。自湖口事起。黃即於十四日由滬抵寧。召集第一第八兩師軍官。決議獨立。次日即要求都督程德全。以其名義通電宣布。並任己為江蘇討袁軍總司令。夫以一八兩師事後反覆之無常。則事前之非與革黨有密切關係也可知。獨立之日。即分遣兩師之兵。馳赴徐州。阻北軍之南下。並聯絡徐州第三師長冷遙。同時獨立。派隊攻襲駐紮韓莊之陸軍。一面復經營臨淮關。以扼南北之險要。而蕪湖安慶。遂先後響應。其奮於進取為何如。又若上海一隅。製造局既駐有北軍。復有兵艦多艘。巡行黃浦。而吳淞礮台。乃無端而入其掌握。十七日突然礮擊海軍魚雷艇。使海陸軍南下者。不能自由出入於浦江。並募集各路軍隊。自二十三日至二十九日。先後攻擊製造局凡六次。由此觀之。革黨行動。固未嘗不力爭先著。冀操勝算也。詎軍事雖奮勇進行。而武力終相形見絀。九江軍事。疊遭敗衄。政府陸軍。既由鄂境陸續南下。湯蕪銘旋亦督率海軍進逼湖口。於是海陸會攻。二十五日收復湖口。即分兵進逼南昌。至八月十八日。南昌省城遂仍為政府軍所佔領。歐陽武先期避至吉安。李烈鈞則自湖口敗後。節節退守。至是亦向內地逃匿。徐州軍隊。十六七兩日。邀擊第五師及巡防營於韓莊。屢戰失利。退回利國驛二郎山。政府軍跟踪追擊。二十二日收復徐城。一三八師軍隊。乃

相率退回固鎮蚌埠等處。當南京之獨立也。蘇督程德全。省長應德閔。均於次日離寧避滬。至二十五日。程督通電。聲明獨立之舉。由於黃興及第八師師長陳之驥之要求。彼始終未允。十五以後。由寧遞發文電。均係假託名義號召。現已另刻關防。召集蘇屬水陸軍警。議圖恢復云云。同時與應省長在蘇滬各設行署辦事。一面通飭各屬。將獨立取消。當十五以後。此電未布以前。

且湖

口克復上海革軍敗耗。相繼傳播。政府又命張勳馮國璋率兵南下。遂不待兵臨城下。先自離去。陳之驥乃取消獨立。以師長名義。維持治安。於是長江沿岸。都會如南京。要塞如湖口。口岸如上海。均一一為政府勢力所恢復。革軍聲勢。遂一落而不可復振矣。雖其時蕪湖安慶及吳淞砲台。依然為革軍所佔領。何海鳴復於八月十一日再佔南京。重布獨立。然安慶省城。不久即由師長胡萬泰。以兵力逐去柏文蔚。且乘勢會合海陸軍隊。攻克蕪湖。吳淞砲台。亦由政府軍水陸夾攻。經紅十字會西醫柯師調停。於八月十三日放棄。南京雖有獨立之名義。已無獨立之精神。張馮兩軍。先後南下。揚州師長徐寶珍。復督兵會攻。遂於九月一日克復。湖南一省。雖位在長江上游。且為革黨聚集之地。惟為武昌梗阻。不能與贛皖聯絡一氣。都省譚延闓。

迫於譚人鳳蔣翊武周震麟唐麟等之要求。

24455
七月二十五日。通電獨立。旋為鄂軍進逼。即於八月十三日取消。此長江一帶革軍幹部起事及其失敗之事實也。他省之響應

者。以廣東為最聳聽聞。而亦最足牽動大局。陳炯明未任粵督之先。與胡前督漢民。頗有齟齬。且表明服從中央。故中央不之疑。詎贛軍起事後。陳督即於十八日威脅議會。贊成獨立。廣東僻處南陬。陸軍鞭長莫及。海軍正從事長江。礙難兼顧。故當日政府。幾有腹背受敵之勢。幸桂督陸榮廷。濟軍統領龍濟光。均極端擁護中央者。政府乃命龍濟光帶兵馳粵鎮撫。陸督亦派兵隨往。適陳炯明欲遣兵援贛。軍隊不從。師長蘇慎初因之逐陳。於八月四日取消獨立。濟軍旋亦於十一日抵粵鎮懾。他如福建七月二十日之獨立。乃由於師長許崇智之要求。其能力至為薄弱。故一聞長江廣東之失敗。遂於八月九日自行取消。重慶獨立。事在八月四日。為四川第三師師長熊克武之主動。地勢雖扼長江上游。然中隔湖北。且遲至贛寧起事二旬以後。乃異軍鶻起。而非與長江幹部相聯絡者。政府既命川督派兵進攻。復飭陝滇黔四省出師援助。以一隅之地。抗五省之師。其成敗當可預料。此外如湖北之天門潛江沙洋各縣。亦先後希圖起事。均經解散。浙之鄞縣。曾標獨立之幟。不久即自行撤消。此又各省響應未成之事實也。

三 政府之應付

此次事變。政府以為早在意計之中。即九江之將為爭點。亦已料及。故數月前即任戈克安為該處鎮守使。旋因李烈鈞反對而罷。嗣後革黨之猜忌。既日積而日深。政府之防範。亦漸推

24456 而漸密。湖北上海。均先後遣兵駐紮。惟其宗旨。則決不欲先啓釁端。故九江湖口。雖探有發難確耗。亦僅派隊鎮懾。必俟林軍開釁。然後以武力相加。上海製造局守兵。亦任令敵軍屯駐附近。且放令松軍通過龍華。而不之襲擊者。蓋守政府之宗旨也。贛寧相繼獨立。政府遂不復用其優柔。改而執行嚴厲之政策。其對於長江革黨幹部之變動也。則以中央兵力解散之。

先由駐鄂北軍就近防禦。旋即陸續派隊南下。任段芝貴爲江西宣撫使。統帶第一軍。規畫江西。其內容以陸軍第二第六兩師及奉天混成旅組合而成。任馮國璋爲江淮宣撫使。統帶第二軍。規畫江淮。其內容以陸軍第五全師第四半師及直豫混成旅各一旅組合而成。任倪嗣冲爲皖北鎮守使。率其所部及二十九旅。規畫皖北。任張勳爲江北鎮撫使。率其所統武衛軍。規畫江北。並令駐揚第四師師長徐寶珍。率其本部。協助中央軍隊。水路則派海軍次長湯壽銘。率兵艦攻取湖口。派海軍總長劉冠雄。赴滬督率全隊海軍。其對於各地方之響應也。廣東則派濟軍。湖南則派鄂軍。重慶則派四川省軍及鄰省軍隊。就近鎮懾。是爲政府對於軍事上之處置。

中略

且以岑春煊六月間電勸陸榮廷龍濟光反抗中央。贛寧事起。革黨會推之爲大元帥。旋雖登報聲明。不復預聞政府。由滬避港。乃又由粵電嗾

龍濟光出兵起事。迹其先後行動。實爲動搖不定

又以江西省議會選舉都督。宣言與中央脫離關係。廣東省議會簽名贊助獨立。湖南省議會通電。擬取消參眾兩院。違背約法。令行各該省都督。將各該議會解散。

中略

並據
京津等處破獲社會黨秘密機關。搜出內亂證據。且有勾通外國虛無黨情事。通令各省將社會黨本部支部。嚴行查禁。此外黨會。如有類似者。准其分別解散懲治。又據旅長鮑貴卿。宣撫使段芝貴。南洋巡閱副使雷震春。先後電告。參議員丁象謙趙世鈺張我華高蔭藻朱念祖。衆議院議員常恒芳褚輔成劉恩銘。均犯內亂嫌疑。於八月二十七日。由陸軍執法處拿捕。

中略

此外復於七月二十一日公布命令。說明政象不振之原因。略謂由於本大總統德薄能鮮者半。由於各方面形格勢禁者亦半。夫任用國務員。須求議院同意。乃議院每持黨見。動多牽掣。以致人才裹足。黜陟兩難。而庶司百僚。又半屬偉人薦拔。有挾而至。濫竽日多。他如各省都督。多以元勳任事。中央威令。本自不行。厥後民政別置長官。地方率多抗拒。一

省擅命。諸方效尤。罰既不行。績安從舉。況官吏咸恃黨藉以爲重。盡人皆革命之元勳。法令弁髦。名器浮濫。以茲圖治。寧異面牆。又若理財爲治國之大經。地方賦稅。多被截留。中央之徵解無幾。法律爲政治所從出。國會紛爭。累日不決。法令之頒布無期。本大總統前以仁慈姑息。延茲厲階。今當以勇猛精勤。贖彼前愆。斷不忍五十年神明古國。顛覆自我。當與邦人諸友。冒險犯難。奠此國基云云。同日復通令條舉三端。申明用兵之方針。一、

爲行使約法上之統治權。民

國政府。當然有此責任。二、各國通商傳教。均照約保護。如因鎮亂而直接受損失者。政府負完全之責任。三、如有本國人或外國人與革黨訂立契約。影響及於國家或一地方者。無論用何種方法及何種名義。政府絕不承認。二十六日頒令。力闢南北畛域之謬說。並謂本大總統受任之日。父老既以完全統一國家。託諸藐躬。受代之時。藐躬義當以此完全統一國家。還諸父老。此次用兵。豈云黷武。實以完責云云。又以政府對於內亂不得已之苦衷。通告各國公使。復因傳聞有日人協助革軍。特電駐日公使照會日本外務省。嚴行禁止。同時國民黨員蔡元培汪兆銘唐紹儀電勸袁總統退位。總統覆電。略謂約法非總統舉定。不能棄職。前曾咨請國會迅選總統。正盼息肩。今亂事已起。鄙人有救國之責。當此危急之日。斷不敢貿然舍去。一日在職。卽一日不放棄。惟有確守約法以從事。他非所問云

云。是爲政府對外對內各方面之處置。當戰事蔓延之際。全國人民。均有戒心。而政府乃謂贛事不過月餘。全局不過三月。即可底定。胸懷成竹。游刃有餘。磨厲以須。及鋒而試。今竟悉如所料焉。

四 結論

當民國之初立也。美人某君有言曰。使中國革命。自此竟告成功。則吾美之共和。將無價值。吾人初聞其言。頗疑其譏我太甚。自後思之。則其言固含有至理。何則。革命者。至寶貴至艱大之事業也。美人富自治性質。猶必經十餘載之痛苦。始觀厥成。以吾習於專制之民族。乃不數月而遽收美果。揆之事理。決無若此之易易。則其必將再經挫折。再經磨難。又勢所必至者。雖然。挫折磨難云者。非必戰爭之謂也。循序改良。因端變革。由駁雜而漸臻純粹。始勉強而徐底自然。固未嘗不可從容改造。以達於有價值之目的。而乃計不出此。舍和平之進行。爲武力之解決。不惜動搖國本。以釀成激烈之戰局。吾人對此。不能不致慨於民國之不幸。

中略

此次戰事。論者咸以其疏於謀略。冒昧從事。謂爲失

24458 敗之由。不知自湖口發難而後。一切行動。過於操切。

且起事不數日。即東據寧皖。北搗徐魯。

行軍之迅疾。較辛亥有過之無不及焉。然而成敗異勢。功業相反者。蓋有數故。一由於政府之先有準備。且軍事上之布置及其能力。亦不如滿清之羸弱。二由於人民屢經禍患。瘡痍未復。其厭亂之念已深。三由於革黨所揭藥者。不能如排滿及推翻專制之易於鼓動。

今戰事

既已解決矣。此後民國之存亡。共和之隆替。政府當負其責。曩者政府曾宣言政象不振。半由形格勢禁。其為事實與否。姑不具論。第經此變動。前此困難固已大半消除。

即開會四月一無成績之兩院。近亦力謀進行。無慮於前。無顧於後。吾願政府乘此時機。刷新政治。

中略

並願吾人民痛定思痛。剴目怵心。勿以戰亂已除。太平可致。相率薰心祿利。自失其共和國民之資格也。懲物競之流弊。刷博愛之精神。用奠邦基。隱弭世變。我國民其有意乎。